

Kontrolu i certifikaciju organske proizvodnje u Federaciji BiH mogu vršiti akreditovana kontrolna tijela priznata od Europske komisije, lista priznatih tijela je sadržana u Uredbi (EU) 2021/1378.

Organska Kontrola (OK) Sarajevo je jedino bosanskohercegovačko tijelo na toj listi.

U Federaciji BiH su u toku radovi na donošenju provedbenih akata koji će detaljno regulirati uslove i postupak ovlaštenja domaćih kontrolnih tijela.



Za potrošača je najbitnije da zna, da se na etiketama, uz znak zemlje iz koje potiču organski proizvodi, mora nalaziti i kodni broj ovlaštenog kontrolnog tijela. Te oznake garantuju autentičnost.

U Federaciji BiH je u toku izrada podzakonskog akta za jedinstveni znak organske proizvodnje. Donosi se i provedbeni akt koji će precizno definirati sadržaj, veličinu i dizajn službenog logotipa za organske proizvode iz Federacije BiH.

U slučaju proizvoda koji se prodaju u rinfuzi ili rasutom stanju, potrošač treba zatražiti certifikat, posebno ako isti nije izložen na vidnom mjestu. Prema važećim propisima, certifikat mora biti lako dostupan i vidljiv. Na tom certifikatu mora biti jasno navedeno koja je vrsta robe certificirana, za šta je izdat certifikat, te samo tako označen proizvod može biti ponuđen potrošačima kao organski.

Bez ovih dokumenata i oznaka, proizvod ne može biti promovisan ili prodavan kao organski proizvod.

Period konverzije ili prelazni period je period koji je potreban da poljoprivredni proizvođač sa konvencionalnog/neorganskog načina proizvodnje pređe na organski način proizvodnje ili uzgoj u toku kojeg se na poljoprivrednom gazdinstvu i/ili određenoj proizvodnoj jedinici tog gazdinstva primjenjuju odredbe Zakona o organskoj poljoprivrednoj proizvodnji. Dužina tog perioda je različita i traje od 1 do 3 godine, a može i duže u zavisnosti od vrste proizvodnje. Proizvodnja nastala u tom periodu, odnosno proizvod, označava se kao proizvod iz perioda konverzije i ne označava se znakom za organske proizvode.

„Čuvajmo prirodu, odnosno životnu sredinu, svoje zdravlje i naše poljoprivredne proizvođače kupovinom organskih proizvoda“

Za detaljne informacije molimo vas kontaktirajte:

Federalno ministarstvo poljoprivrede, vodoprivrede i šumarstva – Sektor za poljoprivredu i prehrambenu industriju

Hamdije Čemerlića br. 2, 71000 Sarajevo
Tel: +387 33 726-584; Fax: +387 33 726-669
E-mail: info@fmpvs.gov.ba



**ORGANSKI PROIZVOD
VODIČ ZA POTROŠAČE**



TRANZICIJA KA ZELENOJ I ZDRAVOJ
PROIZVODNJI HRANE U BOSNI I HERCEGOVINI

 greenhealthybih@iamb.it
 www.facebook.com/green&healthybih





ZNATE LI ŠTA JE ORGANSKA PROIZVODNJA, A ŠTA ORGANSKI PROIZVOD, KOJE SU OZNAKE ZA ORGANSKE PROIZVODE I KAKO IH PREPOZNATI NA NAŠEM TRŽIŠTU?

Organska proizvodnja je način proizvodnje poljoprivrednih i drugih proizvoda primjenom proizvodnih pravila za organsku proizvodnju u svim fazama proizvodnje, prerade i distribucije u skladu sa odredbama Zakona o organskoj poljoprivrednoj proizvodnji i podzakonskih akata donesenih na osnovu njega, čija je uloga da održi i poboljša zdravlje zemljišta, biljaka, životinja, ljudi i planete Zemlje u cjelosti.

To je proizvodnja poljoprivrednih i prehrambenih proizvoda primjenom metoda organske proizvodnje, odnosno proizvodnje koja **isključuje** upotrebu sintetičkih mineralnih đubriva i sredstava za zaštitu bilja, hormona rasta, vještačkih aroma i boja, aditiva i sl. U organskoj proizvodnji je **zabranjena** upotreba genetički modificiranih organizama (GMO).

Dobivanje kvalitetnih i sigurnih proizvoda, unaprjeđenje i zaštita okoliša te očuvanje zdravlja proizvođača i potrošača temeljni su ciljevi organske proizvodnje.

U našoj zemlji je odomaćen naziv „organski proizvod» za svaki proizvod bez obzira na koncept proizvodnje, odnosno da li se radi o domaćem-konvencionalnom, organskom ili tradicionalnom načinu proizvodnje, što nije ispravno.

Organski proizvod je samo certificirani organski proizvod koji je proizveden, pakovan, skladišten i deklarisan, odnosno označen kao takav u skladu sa propisima o organskoj proizvodnji. Organski proizvod mora da posjeduje certifikat ovlaštenog kontrolnog tijela, odnosno na upakovanom proizvodu mora biti

naveden kod (broj) ovlaštenog kontrolnog tijela koje je izvršilo kontrolu i certifikaciju.

Certificirani organski proizvod na našem tržištu prepoznatljiv je po sljedećim sinonimima: eko, bio, ekološki, biološki, organik, organski proizvod i sl.

Na našem tržištu pojavljuju se organski proizvodi iz EU imaju oznaku u obliku lista sa zvjezdicama.

